

精鈔
大字

隨

園

全集

詩集

十

楚辭圖卷之十

小倉山房詩集卷五 丙寅至戊辰

錢唐袁枚子才

春柳

已讓梅花一著先。尚傳芳訊早春天。驟開青眼如相識。拋得黃金便少年。十里遠遮江店小。半生閒抱酒旗眠。東皇有意相憐惜。莫使橫陳大道邊。

牽雲曳雪滿關河。如此纏綿奈客

何。學舞幾時纔長大。倚闌終日作嬌波。春閨離恨風前遠。故國斜陽笛裏多。自笑青袍人照舊。那堪重唱叛兒歌。

靈和殿裏舊心情。移種江南百感生。腰折難禁春雨重。花高易

惹晚風驚。也知上苑長離別。不管何人且送迎。聽說輕狂聽惱懶。亂梳頭髮過清明。

裊

裊鵝黃帖地柔。鞦韆扶影出牆頭。受風身比群花活。照水眉生滿鏡愁。古渡有誰嘶白馬。酒家無處不青樓。千條萬緒情難盡。舞到黃昏尚未休。

秦淮小集座有歌郎上元許令目懾之郎亟引去余迂許憐郎而調以詩

五月蟠桃花事新。衆仙同日咏宜春。傳呼驚聽劉安到。口占嫦娥避寡人。

金燈紅照

柳千行。風動珠簾烏忽翔。惆悵秦淮花兩岬。南河春色北河霜。

秦淮雜詩

春愁原屬杜司勳。况復繁華領白門。六代雲山一河水。爭禁人到不消魂。

金縷飄殘玉

樹終流珠人去采雲空。只留幾點渙陽鼓。打出燈船面面紅。放衙時節蔣山青。看捲紅

旗出訟庭。傳語前驕莫呵殿。沿河方愛管絃聽。無緣打槳送春潮。有意褰帷認板橋。

深夜風停街柝靜。隔牆還有一枝簫。楊枝婀娜竹枝柔。百轉流鶯唱未休。高寫零丁

招客賞。清商幾部屬蘄州。春風無力酒旗低。十幅湘簾一剪齊。遮莫游魚吹雪上。

琵琶聲急水亭西。家家脂粉墜殘紅。無數眉痕學遠峰。水為情多流不去。秋來處處

長夫容。丁福王元態各清。康郎風調更橫生。使君便是群芳譜。能與凡花辨小名。

鷹師霍霍意氣羸。諸王啞啞白頸烏。前船丹珠歌小海。後船青溪載小姑。籠袖驕

民隊隊過。茶坊到處喚廝波。貪花風雨偏來往。半是齋娘半浪婆。幾番邀笛坐胡床。

消受青奴一味涼。擬奏尊官乞恩假。河陽潘令種花忙。都知錄事局全差。且向東京記

夢華。一語殷勤勸楊柳。惜春人去莫飛花。

宿陶紅樓隱寺題壁

層樓高閣倚雲開。舊識禪堂老辨才。寺為迎官將徑掃。我因呈佛帶詩來。馱經白馬西廊繫。照壁紅燈小吏催。一局殘棋一窗月。招僧同賭菊花杯。

逾月再至見江孝廉和章喜疊前韻

蕭寺重遊笑口開。多情江令費詩才。偶將鴻爪留痕在。不料牙琴渡海來。殿角燈孤僧影

小江山秋早磬聲催。免葵燕麥應憐我。前度劉郎又舉杯。

冬月又至則和章盈壁矣再疊前韻

野花開盡筆花開。小雅才兼大雅才。三度絃歌傾耳聽。一村珠玉上牆來。僧知避俗門多閉。人不能吟鳥亦催。我願大行鄉飲禮。徧酬詞客一金杯。

雨過

雨過罷焚香。梅花落印床。原非棲枳棘。爭敢薄淮陽。有志為民母。無心學吏商。只嫌空鹿鹿。方寸舊都荒。

輓施曼郎有序

蕪湖秀才施曼郎有衛玠之稱。工詩愛潔。讀余春柳詩。屢寄聲道意。病不果來。死後其友秦澗泉索詩以弔。

江南才子淚如絲。來說瓊林損一枝。金谷未窺潘岳貌。秋墳已唱鮑家詩。梅花愛好春風去。黃卷無靈白骨知。惆悵山松歌薤露。不同歡笑只同悲。

冬日往揚州阻風永濟寺贈默上人

入門修竹倚雲栽。小脫朝衫坐祿苔。石幕勢吞高殿起。江帆影射畫堂開。阻風莫悵前程緩。失路方能福地來。喜對高僧頭似雪。月明同上講經臺。

揚州回泊燕子磯登亭望雪

來回到十日。船到正江晴。望雪還登嶺。貪閒未入城。寒花侵月魄。凍雨入春聲。且傍荒灘宿。孤鴻替打更。不到千峰上。安知萬象空。高山頭既白。殘臘歲將終。絕頂荒亭雪。孤身四面風。憑欄心忽動。月起大江中。

漂母祠

千金一飯尋常事。不肯模糊是此心。我受人恩曾報否。荒祠一過一沾襟。

感懷四首

江城宿霧曉陰陰。偷得閒身病屢侵。萬古少圓惟月色。四時多恨是春心。少年好景風前憶。花底斜陽雨後尋。二十詞臣三十吏。名場容易感升沉。三春何處不烟沙。兩眼能看幾片花。愁對青雲生白髮。目將紅粉當丹砂。一官奔走空皮骨。萬事艱難閱歲華。惆悵輸他貴公子。五更沉醉阿儂家。

黃鸝遙對酒杯歌。似報江南又綠波。照我忽驚新月白。回頭惟覺古人多。花無菊婢秋將近。面有髯奴老漸磨。九十日春春不少。可憐人自要蹉跎。斷無名士不蕭騷。騎馬年年上板橋。笛裏江山懷故國。酒邊風雨送春潮。花開官署枝枝倦。鶯過清明日日嬌。安得新蒲為彩筆。儘書心事一條條。

迎春

迎春莫怪春難見。好處從來過後知。隔歲梅花報芳信。倚門楊柳望歸期。無邊暖漏聲聲促。有脚青旗步步移。料得東皇非長吏。不應嫌我出郊遲。

送春

驪歌樹上子規聲。報道東皇出郡城。久住似嫌芳草老。輕裝不帶落花行。從今時節都無味。留贈雲山尚有情。早識相逢遽相別。當初翻悔下車迎。

詠史

武帝英雄主。叱咤動八荒。旌旗十八萬。遺恥雪高皇。馬來大宛國。頭懸南越王。秋風歌一曲。援筆能文章。汲黯老匹夫。山東一木強。作令便為恥。積薪語更剛。動請先斬臣。批鱗相抵當。當時竟殺汝。如鼠投沸湯。不冠而見之。於帝更何傷。帝終不出此。容黯老淮陽。吾嘗掩書卷。此處長思量。儒者桓君山。彈琴天子側。偶見宋公來。慚顏深踖踖。君王愛泛聲。一彈奚足責。亡何爭識書。叩頭竟流血。所論豈不臧。天子惡其直。毋乃意狎之。將威脅琴客。始悟宋大夫。自重立臣則。

公孫帝西蜀。馬援來叩門。為設舊交位。不忘主與賓。過車必聲折。贈衣周寒溫。援乃退而笑。子陽妄自尊。後世有蕭韶。且忘斷袖恩。士遜託心期。終招顏竣嗔。人貴如輪回。都忘前世因。長拜井底蛙。公然古之人。子房非正士。可傳惟一椎。自見黃石公。陰險靡不為。為韓非其心。滅韓皆其計。不肯立六國。韓宗遂隕地。野雉幸辟陽。夫妻義已絕。立賢不立長。殷周有成迹。胡為召四皓。為

之張羽翼。老人見厚幣。來如飛鳥捷。龍準木強人。傷哉為所却。長陵骨未寒。殺子及其妾。北門奪軍時。四皓骨已朽。借使木未拱。能安劉氏否。報韓既不成。報漢復何有。所以子辟疆。竟請諸呂王。誰能為此謀。貽謀自子房。東漢恥機權。君子多硜硜。悲哉陳與竇。謀疎功不成。其時涼州反。有人頌孝經。意欲口打賊。賊聞笑不勝。雖無補國家。尚未遠人情。一變至南宋。佛行而儒名希。哲學主靜人。死不聞聲。魏公敗符離。自夸心學精。殺人三十萬。於心不曾驚。似此稱理學。何處託生靈。嗚呼孔與孟。九泉涕沾纓。地道本無成。女子從夫多。姐已賜周公。螽斯或可歌。高頑何么麼。掩面學太公。可憐青溪柵。天桃啼春風。狎客既已救。美人胡獨誅。毋乃拒晉王。逢迎獨孤歟。不格君心非。宣華即麗華。終日對阿雲。閑聲時滿家。

臺城懷古二十四韻

五代干戈際。蕭梁最不同。秀才成帝業。名士有英雄。武自騎兵擅。文能金海通。雍州西伯起。白下永明終。勸進書隨例。臨軒道獨隆。瘡痍扶士女。禮樂薦蒼穹。口勅疏經義。腰圍損聖躬。新聲十篇雅。宮體一家風。妖夢中原入。禪心玉座空。嚴關於鉄柱。第矢喪銀童。少海光先掩。牟珠照忽窮。長戈捲魏闕。短脚犯重瞳。豈忘沉溪竹。偏頒鍛鐵工。傾葵陽獻土。射日早彎弓。婚偽求王謝。繩真縛老公。江聲搖戰鼓。文物變沙蟲。佛看君王餓。花迎野獸紅。天威雖鎮定。日角已疲癯。主父無殘轂。橋山有殯宮。捨身歸小豎。殘局泣湘東。法會斜陽外。臺城衰草中。紙鳶迷信息。

棟樹減青葱。松影蒼崖古。經聲杜宇惘。唐朝八丞相。疑是報神功。

董賢玉印歌

董侯夜醉麒麟殿。漢王傳璽不傳印。璽墜千年印獨存。傳觀猶帶桃花暈。雙螭戍削陰文裂。衛將軍董字堪識。想見郎官美。麗虎時人面玉顏如一色。郎官傳漏殿上行。顧盼能使椒風清。高皇天下一笑與。乃祖轉愧銅山輕。並后匹嫡一身兼。三十六宮難為情。大賢居位美如許。孔光俯伏單于舞。莫道和柔侍禁中。亦頗知賢薦何武。一朝龍去鼎湖天。頓首東窗狀可憐。熏香傅粉人歸矣。露眼嘶聲賊儼然。傳呼收印印早交。委命豈待金吾刀。絕勝漢家老寡婦。兩手握璽徒忉忉。漢朝家法良草草。外戚橫行母后老。不容舊寵戲金丸。翻許新皇鑄劉卯。摩君玉璽不勝情。憐君福過便災生。當時用印誅賊莽。未必書傳佞倖名。

題嚴子陵像

一領羊裘水氣寒。自來自去白雲灘。教陪天子同眠易。要改狂奴舊態難。星宿張皇乾象動。君臣彼此故人看。千秋欲解還山意。只問江頭老釣竿。

古銀杏為火所焚

半夜木鳴天忽曙。空山無人火在樹。槎枒散作金黃雲。九天灰落烟紛紛。黑風迸裂空心血。枝枝葉葉飛晴雪。孤根一氣共死生。倒燒直下三千尺。上焚碧落星辰散。下熏無極黃泉熱。天地焦枯

會有時。人力難施空歎息。憶昔當年種六朝。曾同春薦佐含桃。摩挲嬪御青絲絡。披拂將軍白玉綬。亡何歲月如流電。到眼齊梁人不見。幹排元氣更千年。獨立江風當一面。人間用材不用長。八尺九尺皆棟梁。賊鏑鉛刀易斷削。白檀上手多觸傷。爾形倔强撐宇宙。自合棄官直來僧房。雲雷坎壈遲變化。魂魄光明怒太陽。一朝炫耀脫骨去。勝入竈下當柴桑。啞啞烏鵲休愴神。巢焚厦傾理所存。君不見老僧躑躅樹下悲。遮雲護日今為誰。

丈洲

身非鳬鴈水為家。日日輕篷傍淺沙。蘆荻也知官吏到。隨風吹送滿船花。水國灘荒頃刻生。暫時弓尺欠分明。長官作奏須珍重。賦入司農鐵鑄成。

舟中長風

鎮日舟中眼倦開。雪花脈脈上輕苔。東窗闕後西窗啟。猶喜風無兩面來。

晚坐

晚坐碧波上。飄然白練裾。月高沙鳥語。烟盡水天分。洲荻響成雨。漁燈紅入雲。更深尤可喜。官鼓斷知聞。

閒遣

瘦腳白翎老鷺鷥。對人飛入梅花枝。大江浮天月皎皎。小舟繫樹風絲絲。開牕好在有山處。

上馬正逢無雨時。野行十日幽趣熟。胥吏學官偷詠詩。

洲上寄同官許南臺

時亦有丈
洲之役

雙驅鎮日白門東。芳草催人上短蓬。一夜江雲如墨色。知君同在浪花中。

好詩難與官同作。

新傳常愁鶴要分。此日烟橋沙鳥外。吟聲過盡楚天雲。

莫把江租增冊上。恐教柴價長

城中。東南民力今何似。不進盈餘是聖衷。

盈盈一水路悠悠。君在南洲我北洲。可有新詩

來作答。已題花葉付中流。

嚴助

嚴助當年上大。夫張湯小吏沒階趨。今朝湯貴看嚴拜。免強人前手一扶。

哭鄂文端公

朔風寒雨九衢昏。神化丹青失重臣。薄海盡傳遺疏稿。不才曾是受知人。魂依大裕歸清廟。

星冷長河換早春。十載回天兼捧日。

詔書哀悼莫嫌頻。

當年遭際遇先皇。曠古恩

榮話最長。如朕親臨朝出塞。為卿眠食夜焚香。訐謔語密青蒲煖。顧命身孤玉几涼。怎怪

報恩心力盡。旁人聽也泪沾裳。

魏公風節晚香深。病革頻邀玉輦臨。五岳祈年

明主意。九原薦士老臣心。邊疆功過青天在。

改土歸流
事由公始

將相榮華碧水沉。他日近郊三百戶。

看人編作宰官箴。

宮門扶杖立雲端。嘆息才人向百官。我已江南逐升斗。公偏東閣費

盤餐華堂下拜千年別。綠野招魂一水寒。從此青琴愁獨抱。天涯白雪向誰彈。公賜錢
小紅園

偶見

柳絮風吹上樹枝。桃花風送落清池。升沉好像春風意。及問春風風不知。

王孟亭飲判花軒以几上漢壁分韻得花字

雙拱壁來誰家。淒淒古血生陰花。無心激世去主角。有光照人如雲霞。匹夫手冷白玉
墮。公子春歸明月斜。惆悵漢庭好皮幣。十三陵寢空烟沙。

奏權高郵牧部議不果

青鳥含來鶴料符。王喬未許脫雙鳬。謫仙自愛稱郎好。不願銜書下大夫。

乾隆丁巳余落魄。長安金陵人田古農見而奇之。哀其飢渴。沽酒為勞。未十年余宰金
陵。古農已為異物。求其子孫以詩告墓。

欲報長安一飯恩。破牆流落小兒孫。難忘往日窮途淚。不洗青衫舊酒痕。萍水再逢風不偶。
山河如夢客消魂。重泉此際應知我。玉笛親吹到墓門。

哭侯夷門

天心最仁厚。往往薄騷人。不朽千年筆。難延一命身。題襟追弱冠。攬轡共江濱。高詠招魂

些英華秋復春。

凶問三秋到。歌章滿壁殘。典型還自在。風調向誰看。壯歲死生速。

奇才科第難。高山流水曲。寂寞九原彈。

各死臯橋地。梁鴻好遠遊。百年千里外。一

笑五更頭。大壽文章在。微官宰相羞。知君天問熟。醉寫玉皇樓。

萬丈天台路。何年

白骨歸。老妻交印信。稚子典朝衣。黃葉秋江冷。青蠅吊客稀。詩魂逐明月。應繞石梁飛。

與熊潑齋先生夜話浦雲堂

每聞前輩談風月。似聽宮人說上皇。君恨過時懷恨晚。一齊幽咽淚千行。

哭莊觀察

諱亨陽
福建人

平生不讀宋儒書。見到先生信我癡。二月春風淮海有。一枝著草孔陵無。道高轉覺人情近。星少方知月色孤。遙望銘旌徒洒淚。招魂難覓九天巫。

郊行

郊行便覺少風塵。况復秋光景物新。禾黍迷離胥吏影。米鹽瑣屑宰官身。山中判事書花葉。樹下停車聚野人。一路銅駝同石馬。不知何代物橫陳。

宿栖隱寺題壁

五年栖隱寺。一過一題牆。舊墨都陳迹。新秋又晚涼。壁燈多背雨。風草不留霜。諸佛應余笑。緣多是此床。四野氣何惡。三春夢不收。縱教勤撫字。難免有飄流。過糴非荒

政開倉是本謀。欣聞輸楚粟。早晚到江頭。

初得隨園王孟亭沈補羅商寶意載酒為賀得園字

野徑初開僕從喧。小倉溪上酒盈尊。暫時邀主先為客。異日將官易此園。策竹倚窗如有待。青山入座總忘言。諸公莫笑柴桑陋。剛稱淵明五柳門。

考志書知園基即謝公墩李白悅謝家青山欲終焉而不果即此處也

人好土亦好一墩屬謝公。青蓮悅其景。慨然思送終。舒王爭其名。欲住愁雷同。我領石城尹。頗有晉人風。偶為買山券。竟與此墩逢。疑是謝公靈。相貽真漠中。地美懼不稱。景闊欣難窮。將假烟巒勢。重增亭台功。死則李白好。佳乃安石同。蒼生如予何。大笑東山東。

上尹制府

風雲盪天地。會合良不偶。賤子區區名。半世出公手。公歟塞海內。公望端朝右。在昔事先皇。十年無寸醜。劍消青海戎。筆醉天山酒。雨度督江南。歡走男若婦。王道周人情。虛懷兼師友。行路必行寬。取材常取厚。鳳鳴羣鳥息。月出星辰走。心行天一周。名極地九有。大可鼓洪鈞。細不遺部婁。經緯繞萬象。寸衷豁白晝。神力易刻劃。化工難雕鏤。商蠶思樞衣。仇怨亦低首。南面諸貂蟬。問有此人否。憶昔明光宮。賦詩獻元后。李邕罵輕薄。劉蕡幾不取。公時眼如箕。遺珠光獨剖。未幾公西巡。凝龍遂不守。謫向海天吳。荒村少雞狗。公命移金陵。聲名大物數。參軍非蠻語。僕射如父。

母公餘商文章。一月輒八九。使公常在朝。我豈遂升斗。我若官長安。隨公反不久。恩始復。恩終前定如壓紐。屈指諸門生。親炙輸袁其。蕭然不繫舟。春春自花柳。月落梧影霜。雨灑碧池藕。散髻斜插簪。飄然一詩叟。愛我如愛王。調護驅蒙垢。能養才不才。竟免口戕口。欲酬國士知。請鼓小人在。報公白王盤。公家富且阜。報公桃李花。公門種成畝。不如志聖賢。立身事不苟。陸贄附新侯。永垂不朽。

上李觀察 諱永標

大道直如強弱者。不能到人人。走舜資伊誰窮堂奧。大勇惟先生。立身何通峭。奉心為嚴師。粹然徵玉貌。衣除缺袵名。饌斤邪蒿號。過人不履影。守津必據要。有如秋隼翔。碧空發清嘯。回薄萬象低。日月供凌暴。又如執雕虎。焦原肆騰踔。雄入九軍中。孤身奉大纛。窺其精進乃。有境靡不造。東南萬艘糧。何足當公漕。此職雖區區。此心亦稍稍。委積察盈虛。度支調息耗。孤燭東牙籌。清風除鶴料。令嚴雀鼠逃。弊絕胥吏弔。酷嗜孟軻語。寡欲絕所好。特草孔融書。薦禰今年少。公為光明燭。普天無不照。我為螢末光。有得亦相告。祇憐手板忙。主簿猶祭竈。妮妮學奇廉。嗶嗶慕古調。元象雖崖菌。華文未變豹。願公於寵之。辟咎時見詔。龍門仰李膺。月旦荷許邵。時聞張鏡談。不敢願彪叫。微奏得賞音。羣憂發孤笑。今夕復何夕。霜葉紅於燒。膏敘未騰輝。月儀方減朧。坐久肱敢橫。言合頭屢掉。受公瓊瑤投。未敢函華報。願同白首歸。羽翼聖人教。

春日郊行

二月郊行最有情。青山帶雨畫清明。雜花香自空中至。野草根從舊處生。小鳥啼烟催布穀。老牛牽犢學春耕。勞勞官走江城北。爭怪長條日送迎。

秋夜與故人同宿作

余與同年曾南村黃芝潭改翰林為令官江南六年丁卯九月二公校秋闈畢來宿署中時南村已遷廣德而余刺秦郵之信部議不果

一簾秋捲月光寒。滿座燈痕當水看。州郡久煩梁敬叔。弟兄重醉小長干。文昌星動蘭台聚。舊雨談深桂燭殘。三十四人徵士頌。幾回欲賦又闌珊。上下江分易別離。春花同落不同飛。頭銜即席微微判。香案前生事事非。數到科名吾輩老。認來僮僕舊人稀。一州斗大談何易。可奈停年格又違。尹公一奏計已三年

元旦後二日過牛首宿聚雲樓

新歲看山色。官閒似我稀。呼僧掃塵榻。對佛解朝衣。倦鳥先人宿。寒花學雪飛。菩提龍樹下。久坐竟忘歸。一樹梅含萼。三更香滿天。溪聲忙雨後。峯影立燈前。且飽伊蒲饌。同參玉板禪。

九州人事隔。醒夢總悠然。

次日阻雨題壁

雨如留客再題詩。一夜潺湲夢覺時。揭帳冷雲當面墜。隔花疎磬上樓遲。烟飄佛座諸天濕。寒甚羸年老鶴知。我已無家似僧舍。迎春何必與春期。

初七日邑中候余迎春余眷屬已南歸矣

小住二十韻

小住姑蘇地。羅敷託比隣。三星明玉杵。一顧識針神。疑疑東廂步。盈盈半額顰。豪華蟬鬢膩。寶唾石華勻。錦雨淒通德。金鋪鎖阿甄。尋芳千蛺蝶。素乳兩麒麟。抵鵲明珠怨。隨鴉采鳳嗔。故雄名自在。新得意初申。孔雀深憐尾。楊花怕失身。塞簾窺宋玉。捧手上莊辛。骨比香桃瘦。心同麴蘖春。已徵帷廟夢。甘受織蒲貧。淚滴將離酒。香重所贈巾。匏瓜失良匹。大棗乞天姻。鄭重連珠諾。叮嚀拾翠人。紫泥封口穩。黃蠟寄書頻。閨苑雲無路。支機石有津。鶴飛千里羽。車轉九迴輪。子貢三批日。丁娘十索辰。氤氲尋大使。好夢只求真。

婕妤怨

班姬入漢家。容顏如朝霞。不嫺歌舞彈清瑟。不著褒衣忘浣紗。漢家天子愛傾城。一顧蛾眉兩目成。三星錦帳金銀召。九殿風花鳳輦行。妾心宛轉奉聖躬。禁寒惜暖啼春風。妾執金鉞勤手爪。燈窗繡出鴛鴦好。方期白首侍昭陽。不道青蛾點素妝。誰家母不三投杼。何處天常六月霜。知道君心石不轉。未免人疑護妾短。海受恩波碧海深。翻嫌紈扇秋風緩。長信宮中聖母居。妾身長願掃庭除。紅顏榮落朝看鏡。隔院笙歌夜校書。夢見君王淚滿巾。黃金無力買長門。只願至